



UNIVERSITÄTS-
BIBLIOTHEK
PADERBORN

Universitätsbibliothek Paderborn

Joannis Schefferi Argentoratensis De Re Vehiculari Veterum Libri Duo

Scheffer, Johannes

Francofurti, 1671

In Ejusdem Commentarium de Re Vehiculari.

urn:nbn:de:hbz:466:1-13156

In
Ejusdem Commentarium de Re Vehiculari.

Scheffere, magnum, ô orbis Arctoi jubar,
Nutantium spes literarum, maximo
Evecte semper eruditis nomine,
Cujus per omnes volvitur partes genl
Vir alta, prompta, pasta pulcris ignibus,
Et inter ipsas nunc rotabitur rotas,
Currus curret inter, ac amplissimum
Decurret infrequente campum tramite.
Quis ardor iste spiritus agit tuos,
Terræ, figit editum cælo caput?
Te literatos colligentem pulveres,
Acto per omnes usq; curriculo vias,
Centum palmis te decorum vidimus:
Num iste te, Scheffere, nunc campus vocat
Novum te Erichthonium, novum plaustrarium,
Ito ergo, currus junge, rumpe carceres
Faventibusq; diis tibi vialibus,
Per plana, perq; confragosa & aspera
Nulli subactam primus occupa viam.
Quam rarus hospes ambulat: nam publica
Saminus Magister ingredi vetat via.
Nihil volanti ponet obices rotae,
Nemo invehetur, omne de trivio tibi
Vulgus recedet, & minuti Satrapæ
Post terga ducti: qualis essedas solet
Regum satelles circumire plurimus.
Ipse iste tardo jambus adrepat pede.
Te nullus hac moratur error in via.
Præterveheris nil, nec extra semitam:
Non audiens currus habenas abripit,
Celerem curulis ipsa supponit rotam.

For-

*Fortuna, quæ ludis suis Circensibus
 Magni orbis incolas hamaxobios agit.
 I, doctæ nunc Scheffere, quæ ducit via,
 I nunc, fer auras, mitte lora gloria,
 Laurusq; presa, debitum tibi decus,
 Extrema quas jam meta præfigit tibi.
 Currus parabitur triumphalis tibi
 Et ipsa doctum Fama te aurigam vehet,
 Tuosq; currus Dædala factas manu
 Hominum per ora, perq; summa sidera.
 Et ipse summo despicit tuos polo
 Currus Bootes, dum tibi nunc frigido
 Cæli sub axe sudat axis hic tuus,
 Geminumq; spondet nomini plaustrum tuo,
 Quod per sereni candidam ætheris viam,
 Quæ cælitum est accessus ad palatia
 Te ducet. Ipsa te celerrima vehent
 Bigæ deorum, vel Iovis versatiles
 Scandes quadrigas: Si voles, Phæbæi eris
 Auriga currus Pegaseusq; eques.*

Daniel Georgius Morhofius D.
 & in Acad. Kilonien. Prof. P.



JOAN-